

SKUPŠTINA KANTONA SARAJEVO
VLADA KANTONA

Zastupnica Samra Ćosović-Hajdarević

Zastupnička inicijativa

- Ovih dana je u medijima, ali i izjavama studentskih predstavnika, reaktualizirana tema stanja u studentskim domovima. Kao što smo mogli vidjeti, studenti žive u uslovima koji nisu dostojni čovjeka. Zajednička kupatila koja koriste ne ispunjavaju minimum higijenskih uslova, u kojima, doslovno, otpadaju komadi plafona i u kojima su cijevi zahrđale. Kroz prozore i stolariju ulazi hladan zrak koji studenti zaustavljaju starim dekama kojima bi se trebali pokrivati. O namještaju, koji je u polu-raspadnom stanju suvišno je i govoriti. Isti je stariji više od 10 godina.
- Mladi ljudi, koje su roditelji poslali nama na povjerenje, koji su došli u glavni grad svoje države u plemenitoj potrazi za znanjem, koje bi trebali koristiti za izgradnju našeg društva, ponavljam, žive na rubu dostojanstva.
- S obzirom da je predsjedavajući Elmedin Konaković javno na sjednici kazao da će prilikom izrade prijedloga budžeta uzeti u obzir naše diskusije sa prijedlozima iz javne rasprave - željela bih pitati Vladu i većinu, zašto se u prijedlogu budžeta ne nalazi stavka renoviranje ili rekonstrukcije studentskih domova koje sam tada tražila?

Zastupnicko pitanje

U Sarajevu je sve više izrazeniji problem nedostatka parking mjesta, a na javnim parking mjestima sve više imamo pokvarenih i neregistrovanih vozila. U čijoj je nadležnosti rješavanje ovog problema/pitanja?

Molim da se što prije pokrene procedura i poduzmu aktivnosti vezane za izradu i usaglašavanje zakona o nadležnosti i odgovornosti istih.

Samra Ćosović-Hajdarević